

二經同卷

無三

佛說罵意經

禪行法想經

佛說罵意經

後漢安息三藏安世高譯

佛說罵意十方蟲蟻一切皆噉已十方蟲蟻

俱用

一切亦噉我何不知慙十方蟲蟻一切為我
作婦我亦一切取十方蟲蟻作婦何不能不
愧在生死大久不可數當種習道不當習種
畜生業犯姪洩有五罪一者云錢財二者墮
驚怖三者畏縣官四者得怨禍五者已命盡
墮惡地獄中

人從色飲食得身作人無所畏但恐得畜生
投入地獄餓鬼中耳道人除鬚髮行乞食忍
於飢渴去家棄財產目不妄視守護六根避
惡因緣為欲脫苦人起一意有百劫殃譬如
種穀百倍萬倍穀無所知常得萬倍人意有
知恐不啻耳

人坐行道若見海水蟲若所有物皆前世水
中蟲物若禽獸通世作禽獸今世得因緣故
罪但當行多所見皆為罪當覺是意前世為
共地獄中

過去罪為衰現在為罪未為殃惡有父母癡
為惡父愛為惡母善亦有父母三十七品經
為善父六波羅蜜為善母復有父母佛為父
法為母隨佛語案法行是為父母行

人墮地獄中鬼欲持捧擊之其人意便念鬼
會當復滅不得久意念如是則便解脫生天
上有六事沒法一者不事佛二者不事法三
者不事戒比丘僧四者不事點人五者不多

教人精進行道六者論議賢者却是六事為
增法不當於福中作罪寧於中作福人在學
處不行道誦經是為於福中作罪人得病瘦
縣官水火云錢財不憂是為罪中作福不當
於福中作罪燒香散華乘車訶作是取是候
是為福中作罪

殺有九輩罪有輕重寧殺千頭蟻不殺一頭
蠅如是上至人殺大得罪益大作百佛寺不
如活一人活十方天下人不如守意一日人
得好意其福難量

施與惡人物後當與惡人為因緣是為受惱
施與善人物是為福相從亦不當受惡人物

無三

二

伺

後與相逢是為惱得惱寧受善人物施與善
人物不當受惡人物施與惡人寧與惡人物
不受善人物寧受善人物不受惡人物人得
惡意當斷得善亦當斷惡意者地獄畜生餓
鬼善意者天上人中一切當斷
有五魔生亂人意令人不得道一者天魔二
者罪魔三者行魔四者惱魔五者死魔道人
行道當覺是五魔

有五事十方佛無能制者一者宿命當云二
者命應當上生三者命當盡壞四者命當老
五者命當死是事無能制者
人在生有四事一者有善計善相隨二者有

惡計惡相隨三者有善計惡相隨四者有惡
計善相隨

人所有所念意亦滅身亦滅所見因緣亦滅
後世行受殃福者譬如種菓今年已熟墮地
後年復有果罪譬如樹意因緣譬如果
人所作善惡有四神知之一者地神知之二

者天神知之三者旁人知之四者自意知之
有三因緣固道一者行二者受三者殃作惡
事是為行已生是為受已受為殃

有五屠家子暮歸便念道後壽終於惡道中
暮夜以五樂之至明復以五毒治之

無三

三

伺

輩三事不可見譬如持戒諸惡不可見
道人傳經已行道有四受福一者行道一心
無所食飲得受人禮二者素貧窮無所有得
受人禮三者居自有足不得受人禮四者人
身行道乍念取足不得多受禮
人語應經法當受不應莫受聞經亦爾為人

說經雖亂人意無有罪何以故本說經時不欲亂人意說經雖亂人意譬如食毒當死因教服止毒藥便不復死佛經譬如止毒藥道有四事火不能燒兵不能加一者佛所使未受二者得滅盡三者得四禪四者在道意不在生死

佛在世時到人家主人便閉門不欲令餘人見佛後世兩目無所見是故佛經若欲發露燃燈得天眼亦得遠見亦得光明作主得好眼睚與麻油膏得好瞳子與火得識諦從是因緣得好眼與燈後世得金銀珠寶器人來說惡事迷亂人意是魔所作當覺是若

好人得惡父母是為罪魔人來罵但有風耳當避之是為惡風不避反為惡人風所中從是五得坐是五行墮惡道

入衆人聚會中有四輩事應牽出一者非法說為亂人意到便牽出二者見所語非不制為牽出三者見所為不是不教為牽出四者

所問不如法不復與語為牽出聚者比近道人聚中

蚤虱蟲蟻齧人有四因緣一者宿命當從受罪二者魔來壞人不欲使得道三者不牽淨處四者不等心

有八輩人不可信一者貪人二者嫉人三者瞋恚人四者輕薄人五者吏人六者異心人七者怨家人八者女人縣官水火蛇虺利刀是不可近近便殺人

貪愛經有五事一者欲使人知我有經多欲自貢高得名聞故二者欲持行窮人自不解三者欲依經受人禮四者一切欲今人皆從

我受經我為師故五者求經欲脫生死得度世道可與經道

學經有五輩一者意欲多聞經二者欲多行福三者欲解經四者為他人說經五者欲斷生死五嫉者一者如人共事師欲令獨愛我不欲

今復愛餘人是爲居嫉二者自念我俱作人
獨生小姓家是爲妬嫉三者見他人富有願
欲與等是爲財產嫉四者佛有深經獨欲得
之不欲令餘人得之是爲經嫉五者見他人
端正自念我獨不如是爲色嫉犯是五嫉不
得道道人莫墮五諍一者諍佛二者諍法三
者諍戒四者諍經五者諍賢者道人莫諍有
是無是也

有五誤堅一者身誤堅二者要誤堅三者邪
誤堅四者貪誤堅五者誠誤堅

有七姪一者見衣被色二者聞珠環聲三者
聞婦人語聲四者心意念談女人五者眼視

六者念夫婦禮七者意思想犯是七姪不得
道人喜忘有五因緣一者身忘二者多念忘
三者著愛四者見著五者本宿命者謂故世
惱人斷語驚怖人勞忘謂念勞

飲酒得毒四分飲水得天氣四分卧出得死
四分說善言得天四分說惡事得地獄四分

無三

五

伺

地獄王有婦弟死當入地獄中婦白王言莫
令我弟入是獄中王言汝爲我止之其弟欲
入婦言是獄門不可入弟言是中多所有便
走入獄中人爲罪所牽如是
人有直取他人犁扼用不報其主犁以欲還
之佛言不應爾已爲盜人言我欲作金扼償
之佛言盜不解

人持戒乃孝順報父母恩耳何以故不殺萬
物得長生不盜物皆富不姪不亂不欺皆信
不飲酒皆淨父母有時墮是中便安隱

於佛寺中齋宿不得卧沙門繩牀毳毼机上
及被中皆爲犯戒

人請道人道人未食不應問經道人爲說有
罪道人食已乃得問經道

不持戒不行道居佛寺中不如自投釜中金
中燒一身耳不持戒不行道在佛寺中燒無
數身

道人亦應說餘人有問經者無違人持物上

道人不應問經後乃得問受物亦不應說經有罪

道人有五因緣請不可行一者請甲不如乙不當行二者請乙不如甲不當行三者若請甲甲言爲故請乙乙不當行四者我從遠方來即時不請後乃請不應行五者若怨家不相便與之同里相近若坐中不當行何以故睡眠用止意故止有二輩一者生死行止二者道行意不至生死因緣意中止故復睡眠人寤睡眠有三因緣一者多食二者飲三者憂復有三因緣一者身休息二者餘意極卧出更受意三者留受故

人卧出有意有識有壽有命有喘有息晝日凡三萬六千五百息小兒等耳
有行除睡眠一者少食二者坐三者立四者經行五者誦經六者視星宿七者洗面八者觀骨不解當念諸善事意已轉當自還物欲得福道定意故念餘事已自解

無

六

伺

有身得福有口意得福有空得福亦有身得罪亦有口意得罪亦有空得罪空得福者謂夢得金銀珍寶豪貴富樂是爲空得福空得罪者夢人來殺人若侵人是爲空得罪口教人作惡若勸人殺人後因緣橫爲人所捶是爲坐口罪意自作因緣爲人所傷殺是爲意罪人所以有善惡夢者欲飲食無有物但有

意因夢好飲食意欲殺人因夢人來殺之皆有因緣或前世後世或現世上夜夢者朝暮見在事
夢所爲善惡皆意所作所對亦俱意譬如有人直取一物觀視以便藏去之雖不見意念即來與見無異前世所作便自與今世意作對人死後復坐住者用生時意作鬼恐人或世得病時語邊人呼我覺已是故以死復起坐住墮龍中有四因緣一者多布施二者多瞋恚三者輕易人四者自貢高坐是四事作龍上頭一得福後三事得龍身

律經說諸畜生有角者為前世喜著角橫又為好得角罪畜生身或有異色者為著綵衣有惡意貪以為好故得是罪

鸚鵡有赤眉紫赤足者前世喜綵衣朱脣女人喜著長裙後世墮雉鷄中長尾皆過世所喜今因得之

無三

七

個

人及畜生身體多瘡者前世以木竹刺生魚畜生口故今世得罪如是

若人畜生視見有喜者有瞋恚者為前世相與善今世相見便喜前世不可故今相見不喜作畜生為惡福得食便喜是為惡喜謂其人前世作惡已便喜故得是福

畜生不得食美食有三因緣一者不習二者善福盡三者罪使自然

畜生亦欲色聲香味細滑亦自相與語但不能如人語耳女人有鬚者故世從羊中鷄鷩蛇中來以故得鬚

魚鼈無聲者前世斷人語頭故魚生不即生

乃七日乃生故著草木在乾處四五十歲得水乃生所以多子者作惡人多罪同俱生

好瞋恚嫉妬癡淫行是四墮獼猴中作事不安諦亦墮獼猴中人好作倡俳後世墮鳥蟲獼猴中喜學殺祠祀後世墮羊中何以故斷人頭皮剥皮解或前世喜劫人解取人衣被

故得殃蟲亦復前世劫人解取人衣被今寒凍向火故自先得是殃吐絲自凍入湯火中死愚癡喜殺後世作猪驚怖人後世作鹿多貪嗜美後世作蠅好捶人後世作驢所以長耳者好挽人耳畜生好搏人耳或故世征卒何以故一卒傳餘卒皆作聲一驢鳴餘驢亦

鳴負債不償作牛牛所以破蹄者有二因緣一者負債二者好著木屐以作好馬所以完蹄者有二因緣一者負債二者好著木屐以為好

有六人共為伴俱墮地獄中同在一釜中皆欲說本罪一人言沙二人言那三人言持四

人言涉五人言姑六人言陀羅佛見之便笑
目連問佛何以笑佛言有六人爲伴共在地
獄釜中各欲自說湯沸踊躍不能得再語各
一語便復沒第一人言沙者世間六十億萬
歲在地獄中爲一日當何時竟也第二人言
那者無有期亦不知何時得脫第三人言持

無三

八

信

者咄咄常用生爲治生如是不能得自制
意過世我所多少不知厭足第四人言沙者
我治生至誠亦令我財產屬他人我爲得苦
痛第五人言姑者誰當保我從地獄中得出
便不復犯道禁得上天受天下樂者第六人
言陀羅者是事上頭本不爲心計譬如驅車

失大道入邪道折車輻悔無所復及
佛說四關從世間上至第六天爲死關從第
七天上至十八天爲空關從十九天上至二
十三天爲非常關從二十五天上至二十八
天爲出關出是四關爲出要極福不過二十
八天極惡不過阿鼻泥犁其餘殃罪皆有多

少從一事便有三毒從三毒便有三惡道無
有三惡道人亦皆得道從阿鼻太泥犁至六
天同爲一界從七天上至十九天同行四等
心復爲一界從二十五天行非常苦空非身
上至二十八天復爲一界不脫二十八天三
毒未盡復下作人往來三界欲求出要當滅

思想

從阿鼻摩訶泥犁上至第六天爲欲界從十
天上至十九天爲色界從二十五天上至二
十八天爲無有色界無有思想亦有思想從
阿鼻泥犁以上至二十八天爲生死界過二
十八天爲無爲界斷貪婬乃到色界斷瞋恚

無三

九

信

無墮思想界斷愚癡乃到要出三界有三處
一者從阿鼻泥犁上至六天爲貪婬處二者
從七天上至十九天名爲行色著三者除四
天上至阿那含從二十五天上至二十八天
無有思想亦有思想名爲行無有色是爲三
處墮生死轉行色著譬如火光但可見不可

持也在貪欲處在恚色處是為三處從泥犁畜生餓鬼貪婬色當出向三活在願何等道要有三本有惡本有善本有道本地獄畜生餓鬼是為惡本從人中上至第六天是為善本從第七天以上出十二門是為道本已到二十八天不得脫者有三因緣一者貪二者

有癡三者有意故不得脫已出十二門當願無有意三毒不斷不上脫者未盡故二十八天何以故先身本世間時不貪身散意故斷外七事上第六天受福斷內三事上十八天上從二十一天為四處屬阿那含行十善有生第一天上者有生第六天上者

作善有多少故不同處行十惡有入地獄者有入畜生餓鬼者作惡有輕重故不同處得善復得惡行惡復得善善中有小惡惡中有小善微不可見善中無小惡亦不復墮惡中惡中無小善亦不得出極惡不過阿鼻泥犁極善不過二十八天不覺知微意故不得脫

也一切從行十善得生天上人中大人所以化生者本在世間時不向色覺惡露不淨從是得化生有同意便當更女子胞胎諸天得化生有五因緣一者不近女人二者意不起三者不願小兒四者恚獨坐五者不用世間不貪身亦得化生也

人命欲絕時當持意念息已意者著喘息有時從第一天上是意息觀身有三十二物有計髮毛齒骨皮肉五藏十一事屬地淚涕唾膿血肪髓小便七事屬水溫熱注消食仁事屬火風有十二事是三十二物皆從地水火風出何等為地人生從穀精氣穀為地意為

無三

十

俱

種精氣為水兩便合生身故求一衣一食是為養氣護主人身為本無故滅盡無常得道便如身非身念身不久要當死敗意為人種便守意一心癡人不守護魂魄神但養四柯為色味所欺謂身是我許不知惡一切從身起飯食貪味便墮苦往來生死不脫本逆惡

對魂魄空去趣善惡之道身死墮地日夜消
腐亦本無所有但意行故化成身死皆歸土
萬物亦爾皆過去是為非常人不自計多念
萬端皆不為一已是為苦身死索棄萬端亦
爾亦滅是為已復生二復苦便作善惡行種
栽未知所趣是為非身道人行道當為斷人
不知四非常終不得道已自計身視諸死敗
知人物皆空無所有意便守止得行歡喜已
得行心便安不離五者其心一是為道
已自計身知無所有便身意止痛痒意法亦
身意止止謂三事痛痒止痛痒意止謂四事
貪欲止意止內三事思想止作意止謂識滅
外法止是為四意止止便守守止便觀故經
言止觀俱行為得四諦
故佛言獨坐思惟自意謂思惟滅色痛痒思
想生死識自意止者外滅意止常行如有見
道為如有坐行便自見故經言比丘能如是
內意止乃守止

無三

士

何

是意當先觀思惟滅念待自意便守意意不
出身為道人待外謂萬物念在內謂思識欲
滅念待常念物非常敗皆非我所我亦非物
生急念念死時持何等去持善持一心持諷
經多樂故佛言是汝物持去其餘一切皆非
我所意當識念何等恩愛會別當離各自消
腐念之但亂人意隨人罪要有還身守淨趣
泥洹道

佛從一心至九道念四色皆當消滅謂人死
四日五日欲臭敗色轉正青五日六日膿血
從口鼻耳目中出正赤後肥肉壞敗腸胃生
蟲還自食肉革消腐骨項正白久久轉黑作
灰土地水火風空皆非我所意汝從無數世
以來亦為人作妻子奴婢亦作畜生牛馬蟲
勤苦重負債亦為人所屠剥膾炙今為人復
取人作妻子奴婢亦取畜生牛馬蟲屠剥膾
炙刺斫自在身死皆當復受行道人汝寧見
人死氣絕便無所知身挺正直便臭壞可惡

諦念便畏不欲見何以故不怖令人上天得泥洹道也

佛知九道皆空無所有故還就一心行道人急滅念待無所他如便至物深固行拘深俱在所見用不在故不見

意欲貪念非常敗姪當念對瞋恚念等心愚

癡念本行不常無為安隱人不知非常終不去貪亦不離薜荔道世間所有如夢耳夢飲

食見好覺便不見世間所有如是生便死成便壞要皆歸空當何等貪人有妻子財產

亦爾何以故人治生得錢財利時若室家合會喜樂譬如飛鳥聚會亦皆無常一旦別離

亦便不見正使有常憂恐萬端意在生死中

為日積罪黠人自約少欲趣求一衣一食從

定意行不求地止常還身守淨斷求念空

問曰行道守意本從何起說曰天地性成人從十五天上來下壽無有天拔生死五道從

六衰起人生心意本自善無有貪愛痛痒思

無三

土

伺

想生死識為目耳鼻口所欺目先視色耳聽音鼻知香口知味心為念作十事成五陰意為識合為六衰因作善惡行種我從是便有老病生死五道求道欲斷生死故自守意止目色止耳聲止鼻香止口味止身好斷六衰行觀壞心念坐禪滅意識得道者五陰悉滅

知本無便念空想空徑向泥洹門於已守者意為識主行故要六衰為禍行種五道根本道人精思自守四意欲止無邪念識思想走何道人欲滅念識思想當一切行不當斷身十事身口意三事者定五陰六衰乃正三定者口無所知為口定身無所知為身定意無

所念為意定也

意有四病癡多者謂五陰多五陰多意便走不得行不得行便自瞋恚便姪念起不能制便墮癡故行道要當斷五陰斷五陰痛痒不安多欲是師曰身不欲行用多疲極故意不欲行不欲念死敗苦空故

問曰何等為本生師言謂不疑為本根生何等為向何等為對何等為行師曰不轉意為向不轉念為對可意為行

問曰是何等甲誰名為甲意汝為有意田家不知為無意耶田家不覺汝為有意覺田家為無意不覺耶可言意覺姪味亦意何以故

無三

十三

伺

不覺近出家無有田如是為是問有意佛鄉里無意耶如是為本無身意但自作是得是譬如五種本亦無有種便生人生亦本無有種便有如然火焰出為熾熾去薪便止人自計身非身萬物亦止

難曰本無有意所以守何師曰用本無故可

守滅本有不可守

師曰道有四要衆持戶二者知身非身便壞身不復愛是為從人得出門第六天上戶三者知非常意不復向是為得出第十八天戶四者如空滅空是為得出二十八天戶空滅乃墮道故經言行道覺者得出謂覺苦空非

身非常得出者謂得出四要界得第一禪上七天有身但有影何以故行道壞身故念身觀頭髮腦念髮本無所來作為化成皆當腐落腦如凝米粥皆當臭敗眼但有淚水皆當汁出空身但有空垢皆水漏鼻口唾涕皆當流出棄散消壞舌咽喉肺捲肝心中惡血

痰膈脾著胃腎著脊骨胃中有未消食大腸有屎小腸有澀有溺發便少腸皆當胖脹壞爛腸胃屎溺相澆瀆臭處可惡下有尻肉兩脛脰肉足肌肉消盡筋脉壞敗骨環節節解墮脛脰確正白髀骨如車輻尻骨與脊相連髀骨與肘臂手相連皮革亦消腐節節解墮

頸骨與髑髀相連血肉消盡還作灰土一切蠕動出氣不報便以過世身體脰直不復動搖火去身冷風去氣絕汁從九孔流出便為水去不復食為地去三四日色轉青黑膿血從口鼻耳眼從九孔流出正赤肌骨肉壞腸胃五藏支節一切還為灰土視萬物皆如是

自身亦爾皆滅盡為空出息入息諦知為空便可近道

罵意經一卷

古

禪行法想經

無三

無

後漢三藏安世高譯

聞如是一時佛遊於舍衛國祇樹給孤獨園佛告諸比丘比丘受教從佛而聽佛言諸比丘若以彈指間思惟死想念有身皆死是為精進行禪為如佛教不是愚癡食國人施也何況多行者取要言之若念不淨想穢食想

一切世間無有樂想無常想無常為苦想苦為非身想非身為空想棄離想却姪想滅盡想無我想身死為蟲食想血流想降脹想青腐想糜爛腥臭想髮落肉盡想一切縛解想骨節分散想骨變赤白枯黑亦如鳩色想骨糜為灰想世間無所歸想世間無牢固想世

間為別離想世間間冥想世間難忍想世為費耗不中用想世為災變可患狀想一切世間歸泥洹想諸比丘若以彈指間念此諸想之事皆為精進行為奉佛教不是愚癡食人施也何況能多行是故可念行法想佛說是已皆歡喜受

禪行法想經

無三

管施智蠅余陵眼眶目下去王反瞳子徒東稗下柅下於反輪登塔音瞽即委雉鶴徒的反下長尾驚木務倡俳步音昌下征卒上諸反下搏莫鳥思積反佺他頂肪髓上音方下薛荔下力智反熨委許二反痰膈談華二音胃溺奴吊肝脹反上反下江反反降二反尻考高脛脛上胡下汀頂確苦反實也澆澆下則肝反澆澆水也骨補各反也肘涉反橋

十五末